

Landesbibliothek Oldenburg

Digitalisierung von Drucken

Die Chronica Jeuerensis

Springer, Eilerdt

Jever, 1896

Explication.

urn:nbn:de:gbv:45:1-4358

Imsuluigenn Jare Is ein Wunderlike vnnnd warhafftige gesichte gesehen wordenn binnen Esense, vnnnd einen Namhafftigenn Kopmanne Aldar ein Borgermeister, welcher gesichte he sinen Husgesinde Am latestenn vor synen starffdagenn schriftlikenn kundt gedaen vnnnd Auergeleuert, wo hirna volget.

Idt geschach, dat Ick quam Inn myner Doren sthan, so balde bejegende my ein bekandt frundt, viue edder Sosse, vnnnd tredenn vor myner Dorenn, de llede tho my thokamende, des Ick my sehr vnfrouwede vnnnd tradt tho my vth denn Druppell, Middeler wile wart Ick Indechtich, dat he Dodt were, Inn denn vorschwandt he, Do rep Ick Here du west, dat din Knecht bereidt Is, wen du willest.

Darna sach Ick etliker Menner, de haddenn twe Nie Boker Inn der Handt dar lesen se Inne, vnnnd Ick sprack, wat sint dat vor Boker, Do Antworde my einer vnnnd sprack, Idt sint twe Boker vth der hilligenn Schrift getagenn, vnnnd se deden my dat eine Inn de Handt, dar stundt vor ann, Waket vp, Waket vp, darna stundt ein lustich gemal mit rutende gaddern dorch gearbeidet, darin stundt ein Mansbilde, de hadde eine Rode dwarsch auer sinen Ruggen, darna stundt wedder denn gemal, Waket vp, Waket vp, darna stundt wedder ein Mansbilde naket, vnnnd eine ieder eine grote Rode dwarsch auer sinen Ruggenn, Auerst dat eine Bock bleff thogeslatenn, vnnnd wart nicht vppedan.

Explication.

De Erste bedudet Disse Affgreselike straffe, Also dat men sokenn werde vmmee der dodenn Rum, vnnnd wor men dat eine holt lnn dat ander setten schole.

De Andern twe Mennen mit der Rodenn vp eren Ruggenn, kann Ick duden vp grotenn hunger, dure tidt vnnnd Krich.

Do de frame Mann dith gesichte gesehen hadde, Is he balde kranck gewordenn, vnnnd als he sach vnnnd

merckede, dat he steruenn moste, hefft he dith gesichte schriftlikenn tho erkennen gegeuenn, Also vorge-meldet is.

Anno 1576. quemen beide Grauen Johann vnnnd Anthonies gebrodere tho Oldenborch vnnnd Delmenhorst, tho Jeuer, Vp welckeren dach einer vth Tet-tenser Karspell Sibern Houwekenn genomet, vmme syner grotenn bossheit willenn vorbrent Is, Darumme, dat ne des dages thouorenn, syne Husfrouwenn groff swanger gegan, dorch geschatenn hefft, vnnnd darna sick suluest ock dodt geschaten.¹⁾

¹⁾ Andre Handschr. schliessen noch an:

Imsuligenn Jare wart de Grode by Zeedick gemeten.

Anno 1578. Vp denn Stillen Frigdach, Is eine sehr hoge Floth vann Solten Water gelopen, eine Elen hoger else Aller hilligen Floth.

Die weiteren Nachträge sind meist nur Auszüge aus Hamelmanns Chronik und auch die oben abgedruckten Zusätze späterer Abschriften der Springerschen Chronik von 1594 sind mehrfach auf Hamelmann zurückzuführen.





